

TE NCEA Ā-IPURANGI

te tautoko i ngā mahi
aromatawai matihiko
i roto i ngā kura

HE AHA NEI TE MAHI?

Kei te whakahoungia te pūnaha whakamātautau NCEA a ngā ākonga e Te Mana Tohu Mātauranga o Aotearoa (NZQA) – mai i te pepa ki te ipurangi, ki te mata o te rorohiko rānei. He mea tohu i te pāhekotanga a te ākonga ki tōna ao, ki ngā huarahi whakaako hoki e taunga ana, ka mutu, ka tautoko noa i te ākonga i te ahunga ki kaupapa kē atu i te mutunga o te kura.

Ko te nuinga o ngā ākonga kura tuarua e ora ana, e ako ana hoki i tēnei ao hangarau, ā, kei ō rātou ringaringa ngā rauemi hangarau huhua. E tika ana kia hangarau matihiko mai ngā whakahaerenga mātauranga katoa tae atu rā ki ngā mahi aromatawai. Koia nei te whakaaro me ngā hiahia o ngā ākonga puta noa.

Mā te whakamahi i ngā hangarau matihiko mō ngā mahi whakaako me ngā mahi aromatawai, ka tautokohia ngā mahi a te kura ki te whakapakari pūkenga whāiti o te ākonga mō te whai mahi me te oranga tonutanga.

Hei tauira, ā ngā tau rua tekau e tū mai nei, ko te rua hauroru o ngā ākonga kura tuatahi katoa ka uru ki ngā mahi hou, ki ngā tūranga mahi rānei kāore anō kia hangaia mai, ka mutu, ka ngaro noa te haurua o ngā tūranga mahi o ēnei rā ki te aunoatanga.

Kei te whakarewa putuputu a NZQA i te NCEA ā-ipurangi – I te tau 2019 i whakaritea e mātou 14 ngā marau ā-matihiko nei mō ngā taumata 1, 2 me te 3. Ka whānui ake rā ngā marau ki te 21 hei te tau 2020 nei, kātahi ka whānui ake anō hei ngā tau kei te heke mai. Mai i te tau 2016, he nui atu i te 22,000 ngā ākonga o ngā kura 200 i uru atu i tētahi whakamātautau matihiko haratau, matihiko tūturu rānei – me te painga hoki o ngā katoitoi. I ngā tau e rima mai i te tau 2018 – neke atu i te toru hauwhā o ngā kura tuarua o Aotearoa me te 33,000 o ngā ākonga katoa i whakamātauhia ngā mahi aromatawai matihiko.

E AHU ANA TĀTOU KI HEA?

Ko te aronga o NZQA mō te aromatawai matihiko mō tēnei rautau, he tautoko i ngā huarahi hou mō te ako me te whakaako auaha, ā, ka rerekē hoki i runga anō i te whanaketanga o te ao hangarau.

Mā ngā huarahi hou nei, ka taea e ngā ākonga te whakaatu i ō rātou mōhio, i ō rātou pūkenga rānei ki ngā āhuetanga tūturu katoa.

Tērā pea ko te whakautu ā-waha, ko te mahi tahi, ko ngā aromatawai whakataruna me ngā aromatawai ōkawa rānei ka whakahaerehia ki wāhi kē.

Ko ngā raraunga aromatawai matihiko ka tautoko i ngā mahi whakawhanake whakamātautau matihiko hei hāpai tonu i ngā huarahi hou o te ako me te whakaako.



ME PĒHEA TE MAHI TAHI I NGĀ KURA?

Kei te mahi tahi a NZQA i ngā kura, i ngā ākonga, i ngā kaiwhakahaere hoki o ngā taiwhanga whakamātautau ki te hanga tukanga i te tuatahi, kia noho hāngai nei ngā whakamātautau ki ngā whakaakoranga o te akomanga, ki ngā mahi pai rānei e taunga ana ki te ākonga.

Ka whanake haere nei a NCEA ā-ipurangi i ngā wheako ākonga me ngā wheako kaiako. Kei te mahi tahi hoki mātou i ētahi atu tari mātauranga kia kuhu katoa ai ngā kura me ngā ākonga ki ngā whakamātautau matihiko i te wā e rite ana rātou.

Kia mātau haere ai ngā kura ki ngā whakamātautau ā-tuhi, ki te ao hangarau rānei – ka whakapono atu mātou he wheako pai tonu te NCEA ā-ipurangi mō ngā marau motuhake nei pērā i te pāngarau, i te pūtaiao, i te pūoro hoki.

He rerekē te kōkiri a ngā kura katoa i ā rātou mahi whakaako matihiko, ā, e tika ana hoki me hāngai pū atu ki ngā mahi aromatawai matihiko. Nā reira, ka tuku tonu atu a NZQA

i ngā whakamātautau ā-tuhi i a ngā kura katoa e whakawhiti ana ki te mātauranga matihiko.

E āwhina ana a NZQA i ngā kura kia rite mai ai mō te aromatawai matihiko mā te:

- **Taunga ki ngā mahi** – te whakaatu i ngā mātāpono o te whakamātautau matihiko ki ngā ākonga me ngā kaiako
- **Whakatauiria i ngā whakamātautau matihiko o mua** – ka noho mai ko ngā whakamātautau matihiko o te tau kua huri, ki te paetukutuku o ngā whakamātautau me ngā marau
- **Whakarite i te kura** – kia mahi tahi i ngā kaimahi hei arotake i ngā mahi whakarite a te kura, a ngā ākonga hoki, ki ngā mahi aromatawai matihiko
- **Whakangungu** – kia whakarite whakangungutanga mō ngā kaiwhakahaere o ngā taiwhanga whakamātautau e ai ki ngā mōhio me ngā pūkenga o te whakahaere whakamātautau matihiko.

HE AHA NEI TE TIKANGA?

Mā te whakawhiti i te mahi aromatawai ki te ipurangi, ka mōhio ngā ākonga, ngā kura, ngā whānau, ngā hāpori, ngā pāhi hoki, he tohu moroki, he tohu auaha, he tohu whaimana hoki te NCEA e tautoko ana i te ākonga kia whai pūkenga, kia whai mātauranga hoki e tika ana.

Mā ngā huarahi ako whaiaro me te aromatawai matihiko, ka puāwai te pāhekoheko i ngā

ākonga maha ki ngā whakaakoranga hou e hāngai nei ki ō rātou ake hiahia, ki ō rātou ake ahurea.

E kaha nei a NZQA ki te mahi tahi tonu i ngā ākonga, i ngā whānau, i ngā kaiako, i ngā mātanga, i ngā iwi, i ngā ohu mahi hoki, kia noho takatū a Aotearoa ki te āmua ao.